



Broj:01-02-383/16
Sarajevo, 24.02.2016. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 35. sjednici održanoj 24.02.2016. godine, usvojilo je

Izveštaj o realizaciji projekta stipendiranja učenika osnovnih i srednjih škola za 2015. godinu.



PREDSJEDAVAJUĆI GRADSKOG VIJEĆA

Suljo Agić
Suljo Agić



**IZVJEŠTAJ
O REALIZACIJI PROJEKTA STIPENDIRANJA UČENIKA
OSNOVNIH I SREDNJIH ŠKOLA ZA 2015. GODINU**

**PREDLAGAČ:
GRADONAČELNIK**

**OBRADIVAČ:
SLUŽBA ZA OBRAZOVANJE,
KULTURU I SPORT**

Sarajevo, februar 2016. godine

I UVOD

Grad Sarajevo je od 2008. godine u kontinuitetu u Budžetu planirao sredstva za stipendiranje učenika osnovnih i srednjih škola sa područja Kantona Sarajevo, i to:

1. školska 2008./2009. godina 100.000,00 KM
2. školska 2009./2010. godina 100.000,00 KM
3. školska 2010./2011. godina 200.000,00 KM
4. školska 2011./2012. godina 200.000,00 KM
5. kalendarska 2013. godina 200.000,00 KM
6. kalendarska 2014. godina 200.000,00 KM
7. kalendarska 2015. godina 200.000,00 KM

Stipendiranje učenika se realizovalo putem Fonda Kantona Sarajevo za stipendiranje i školovanje djece boraca, poginulih boraca i poginulih civila – žrtava rata – „IKRE“. Fond je osnovan 1993. godine od strane Skupštine Grada Sarajeva, a 1996. godine Kanton Sarajevo je preuzeo pravo osnivača.

Djelatnost Fonda „IKRE“ usmjerena je prvenstveno na pomaganje u školovanju djece boračkih populacija i djece poginulih civila u prošlom ratu, ali i u poboljšanju uslova života djece iz socijalno ugroženih porodica.

Način na koji Fond „IKRE“ ostvaruje svoju djelatnost pomaganja u školovanju djece boračkih populacija i djece poginulih civila – žrtava rata, mogu se svrstati u tri kategorije:

1. Obezbjedenje novčane pomoći

- a) Stipendiranje
- b) Plaćanje školske užine
- c) Pomoć za kupovinu školskog pribora
- d) Jednokratne pomoći

2. Dodatno obrazovanje

- a) Instrukтивna nastava za učenike osmih razreda osnovne škole
- b) Kursevi rada na računaru
- c) Kursevi engleskog, italijanskog i turskog jezika
- d) Učešće na kulturnim manifestacijama

3. Zdravstvena pomoć i zdravstvena edukacija

- a) Pomoć u liječenju oboljele djece
- b) Zubozdravstvena pomoć i edukacija
- c) Rekreativne aktivnosti

II STIPENDIRANJE U 2015. GODINI

U Budžetu Grada Sarajeva za 2015. godinu je za namjenu stipendiranja djece osnovnih i srednjih škola planirano 200.000,00 KM i tim iznosom je obezbijedena ukupno 221 stipendija i to za 104 učenika osnovnih škola i za 117 učenika srednjih škola u visini od 100,00 KM mjesečno (ukupno 9 mjeseci). Kriterij za dodjelu stipendija je isključivo socijalni status porodice iz koje dijete dolazi, a u cilju poboljšanja uslova života i školovanja.

S ciljem realizacije projekta stipendiranja učenika osnovnih i srednjih škola, Grad Sarajevo je sa Fondom Kantona Sarajevo za stipendiranje i školovanje djece boraca, poginulih boraca i poginulih civila – žrtava rata – „IKRE“ dana 30.04.2015. godine potpisao Ugovor o realizaciji odobrenih sredstava iz Budžeta Grada Sarajeva broj 01-14-1636-1/15.

1. Broj stipendirane djece u 2015. godini:

OSNOVNA ŠKOLA – 104 učenika
SREDNJA ŠKOLA – 117 učenika

2. Broj djece po porodicama:

U evidenciji Fonda „IKRE“ razvrstani su primaoci stipendija po broju djece u njihovoj porodici, te slučajevi porodica sa većim brojem djece kao i porodice u kojima ima zdravstveno ugrožene djece ili djece sa hroničnim oboljenjima o čemu se vodi računa prilikom donošenja odluke o dodjeljivanju stipendija. Djeca koja dobivaju stipendije iz Budžeta Grada Sarajeva evidentirana su na sljedeći način:

- 1 porodica – 11 djece
- 2 porodice – 6 djece
- 6 porodica – 5 djece
- 23 porodice (3 porodice sa bolesnim djetetom) – 4 djece
- 53 porodica (5 porodica sa bolesnim djetetom) – 3 djece
- 86 porodice (9 porodica sa bolesnim djetetom) – 2 djece
- 50 porodica (3 porodica sa bolesnim djetetom) – 1 dijete

3. Socijalni status porodica:

Kriterij o kojem se vodi računa prilikom odabira stipendista je socijalni status porodica. Pri tome je bitno naglasiti da ima mnogo slučajeva porodica lošeg socijalnog statusa koje imaju i teško bolesne članove domaćinstva ili je riječ o samohranim majkama, što dodatno otežava njihov slučaj. Analiza Fonda „Ikre“ o podacima učenika koji su primali stipendije iz Budžeta Grada Sarajeva u 2015. godini pokazala je sljedeće stanje:

- 84 porodica bez primanja, od toga:
 - 6 porodica koje se hrane u narodnoj kuhinji
 - 26 samohranih majki
 - 5 porodica sa teško bolesnim djetetom

- 137 porodica sa primanjima manjim od $\frac{1}{4}$ prosjeka u Kantonu Sarajevo, od toga:
 - 23 samohrane majke
 - 31 porodica sa teško oboljelim članom domaćinstva (dijete ili roditelj)
 - 1 porodica u kojoj je majka tokom proteklog rata bila u logoru

4. Kategorije demobilisanih boraca i ratnih vojnih invalida:

Učenici koji primaju stipendije iz Budžeta Grada Sarajeva u 2015. godini razvrstani su u sljedeće prioritete kategorije:

- Djeca demobilisanih boraca: 168 (od toga 16 teško bolesnih, 8 boraca je umrlo, 1 borac je bio u logoru, 6 porodica u kojima su oba roditelja bila u ARBiH)
- Djeca ratnih vojnih invalida: 52 (od toga 5 teško bolesnih i 4 su umrle)
- 1 dijete bez oba roditelja

5. Broj stipendista po uspjehu u školi:

Evidencija podataka o djeci koja primaju stipendije iz Budžeta Grada Sarajeva pokazala je da riječ o dobrim učenicima koji nastoje da ostvare što bolji uspjeh u školi. Sama činjenica da su njihovi roditelji stipendije koristili pretežno za nabavku školskog pribora, udžbenika i školskih užina pokazuje značaj nastavka stipendiranja ovih učenika.

Učenici koji primaju stipendije iz Budžeta Grada Sarajeva su u najvećem broju razred završili odličnim i vrlo dobrim uspjehom:

- 78 djece ima odličan uspjeh
- 77 djece ima vrlo dobar uspjeh
- 66 djece ima dobar uspjeh

6. Informacije o načinu isplate

Sve stipendije su isplaćene za 9 mjeseci u 2015. godini putem Vakufske banke dd, Sarajevo. Fond „Ikre“ redovno i blagovremeno dostavlja potvrde o izvršenom prijenosu sredstava, izvode računa i aktualizirane spiskove primaoca stipendija.


Napomena: Izvještaj je sačinjen na osnovu podataka koje je Gradskoj upravi Grada Sarajeva dostavio Fond „IKRE“.



**FOND KANTONA SARAJEVA ZA STIPENDIRANJE I ŠKOLOVANJE DJECE BORACA,
POGINULIH BORACA I POGINULIH CIVILA - ŽRTAVA RATA - "IKRE"
WAR VICTIMS' CHILDREN SCHOLARSHIP FUND - "IKRE"**

Broj: 01- 25 / 16
Datum: 11.02.2016. godine

Bosna i Hercegovina-Federacija Bosne i Hercegovine



**KANTON SARAJEVO
GRADSKA UPRAVA GRADA SARAJEVA**

PREDMET: Stipendija Gradske Uprave Grada Sarajeva

Poštovani,

Fond „IKRE“ je pravno lice, osnovano 1993. godine od strane Skupštine Grada Sarajeva, a kasnije pravo osnivača preuzela je Skupština Kantona Sarajevo. U skladu sa članom 4. Statuta Fonda „IKRE“ („Službene novine Kantona Sarajevo“, broj 27/06 i 13/08), osnovna djelatnost Fonda je usmjerena na pomaganje u školovanju djece boračke populacije i to:

- obezbjeđuje stipendije učenicima i studentima
- obezbjeđuje sredstva za nabavku udžbenika
- obezbjeđuje sredstva za jednokratnu pomoć
- obezbjeđuje sredstva za posebno– dodatno školovanje(usavršavanje djece talenata)
- obezbjeđuje ostale vrste pomoći.

Fond u toku godine zaprimi jako puno Zahtjeva za pomoć porodica u stanju socijalne potrebe, porodica koje školuje troje i više djece, porodica pogođenih poplavama i drugim prirodnim nesrećama, porodica koje se hrane u javnim kuhinjama i slično. Shodno činjenici da su sredstva Fonda ograničena i da nismo u mogućnosti udovoljiti svim pristiglim zahtjevima, 2008. godine smo uputili Zahtjev za pomoć Gradskoj Upravi Grada Sarajeva.

Fond „IKRE“ i Gradska Uprava Grada Sarajeva od 2008. godine, svake godine potpisuju Ugovor o realizaciji odobrenih sredstava iz Budžeta Grada Sarajeva. Sredstva su namijenjena za stipendiranje učenika osnovnih i srednjih škola. Grad Sarajevo se po osnovu ovog Ugovora obavezuje da će izvršiti uplatu novčanih sredstava, a Fond se obavezuje sa krajnjim korisnicima – stipendistima pojedinačno zaključiti poseban Ugovor o stipendiranju, te Gradskoj Upravi dostavljati mjesečni i godišnji izvještaj sa kompletnom dokumentacijom o namjenskom utrošku sredstava.

Osnov za dodjelu stipendija je Pravilnik o kriterijima za dodjelu sredstava za školovanje djece boraca i djece poginulih boraca, broj 211- 1/13, koji je donesen od strane Upravnog odbora Fonda „IKRE“, a usvojen na Skupštini Kantona Sarajevo.

Osnovni uvjeti za ostvarivanje prava na dodjelu stipendija djeci boračke populacije su da kandidati

- imaju prijavljeno prebivalište, odnosno boravište na području Grada Sarajeva
- da se nalaze na redovnom školovanju u osnovnim, srednjim i visokoškolskim obrazovnim ustanovama i
- da ne obnavlja razred ili godinu.

Zahtjevi za dodjelu stipendija se zaprimaju tokom cijele kalendarske godine i unose u bazu podataka korisnika prava Fonda. Izbor lica vrši se za svaku školsku godinu, prema utvrđenoj bazi podataka. Pri odabiru stipendista Grada Sarajeva, prednost imaju lica čija porodica ne ostvaruje bilo kakva primanja ili se nalazi u stanju socijalne potrebe (narodna kuhinja), uzimajući pri tome u obzir veći prosjek ocjena.

Pravo na stipendiju Grada Sarajeva u 2015. godini je ostvarilo 221 dijete i to 104 učenika osnovne škole i 117 učenika srednje škole. Vršeci analizu stipendija u 2015. godini ustanovili smo sljedeće:

Broj djece po porodicama:

- 1 porodica – 11 djece
- 2 porodice – 6 djece
- 6 porodica – 5 djece
- 23 porodice (3 porodice sa bolesnim djetetom) – 4 djece
- 53 porodice (5 porodica sa bolesnim djetetom) – 3 djece
- 86 porodica (9 porodica sa bolesnim djetetom) – 2 djece
- 50 porodica (3 porodice sa bolesnim djetetom) – 1 dijete

Socijalni status porodica:

- 84 porodice nemaju nikakva primanja, od toga:
 - 6 porodica se hrani u narodnoj kuhinji
 - 26 je samohranih majki
 - 5 porodica je sa teško bolesnim djetetom
- 137 porodica imaju primanja manja od $\frac{1}{4}$ prosječne plate u Kantonu Sarajevo, od toga:
 - 23 je samohranih majki
 - 31 porodica sa teško oboljelim članom domaćinstva (dijete ili roditelj)
 - 1 porodica u kojoj je majka bila u logoru

Kategorije:

- 168 demobilisanih boraca (od toga 16 teško bolesnih, 8 boraca je umrlo, 1 borac je bio u logoru, 6 porodica gdje su oba roditelja bili u A BiH)
- 52 ratna vojna invalida (od toga 5 teško bolesnih i 4 su umrla)
- 1 dijete bez oba roditelja

Broj stipendista po uspjehu u školi:

- 78 djece su odlični učenici
- 77 djece su vrlodobri učenici
- 66 djece ima dobar uspjeh

S obzirom na dosadašnju dobru saradnju, nadamo se nastavku projekta stipendiranja učenika preko našeg Fonda.

S poštovanjem,



Address: Terezija bb, Sarajevo 71 000, Bosnia and Herzegovina
Tel/fax. ++387 33 444-520;
Tel./fax. ++387 33 200 310,
E-mail address: ikre.sarajevo@gmail.com

